

BOLETIN INFORMATIVO TOKANTE PAGO PA USO DI PARKENAN NATURAL

Ordenansa maneho di naturalesa Bonaire.

Introdukshon

Pa hasi uso di un parke natural na Bonaire e usuario mester kontribuí ku un aporte finansiero: pago pa hasi uso. Esaki ta konta tantu pa parke supmarino komo Parke Washington Slagbaai. E ehèmpel mas konosí ta e preis di entrada. Pero tin mas otro tipo di uso di nos parkenan natural. Algun kompania, pa nan eksistensia, ta dependé pa gran parti òf totalmente di nos parke supmarino. Ta mas ku hustu ku tipo di kompanianan asina ta aportá finansieramente na maneho i mantenshon di nos parke supmarino. Un otro ehèmpel ta uso di un waf den nos parke supmarino. Pa esaki tambe e usuario mester paga.

Uso

Pa uso di nos parkenan natural mester paga. Tin diferente tipo di uso:

- Bishitantenan ku ta bin pa rekreashon
- Kompanianan ku ta hasi uso komersial
- Pa konstrukshon òf uso di opheto den parke marítimo

Entrada

Pa hasi uso di e parke supmarino e preis ta \$10,- pa aña. Esaki ta konta pa tur usuario di e parke supmarino. Sea ta pa landa, snòrkel, windsurf, kite-surf, zeilu, kayak,, nabegá, ski òf pa praktiká un otro deporte nótiko. Esnan ku tambe ta hasi uso di taksi di laman pa drenta e parke supmarino mester paga..

Pa sambuyadónan e pago pa hasi uso di e parke ta \$25 pa persona pa aña òf \$10,- pa persona pa dia.

E komprobante di pago ta konsistí di un ficho i un resibu. E ficho mester ta

bon visibel na e trahe òf na e ekipahe di deporte. E ta alabes un bunita rekuerdo di fakansi. Si ta bai pa solamente un dia e usuario ta risibí solamente un resibu. No por traspasá e komprobante di pago. Esaki ta nifiká ku e usuario no ta permití bende òf duna un otro persona e komprobante di pago.

Kompanianan ku ta ofresé servisio basá riba rekreo den e parke òf for di kua ta hür material ta bende ficho. STINAPA Bonaire i Tourism Corporation Bonaire (TCB) tambe ta bende ficho.

Sambuyadónan ku tin komprobante di pago pa drenta e parke supmarino por drenta alabes Parke Washington Slagbaai grátis

Eksepshon

Eksepshon di pago pa hasi uso di e parke marítimo ta pa

- habitantenan di Bonaire;
- personanan bou di 12 aña;
- personanan ku no ta keda mas ku 24 ora Bonaire;
- nabegashon for di otro isla i nabegashon internashonal.

E eksepsionnan aki no ta konta pa sambuyadónan

Kompanianan

No ta solamente esnan ku ta dibertí ta hasi uso di nos parke supmarino. Personanan i kompanianan ku ta ofresé nan servisio na sambuyadónan òf otro deportistanan di e deporte nótiko tambe ta hasi uso di e parke supmarino. Sin e parke supmarino nan kompania lo no por eksistí. P'esei ta mas ku hustu ku e personanan i e kompanianan

tambe ta paga pa hasi uso di e parke supmarino i asina kontribuí na maneho di e parke supmarino.

Pa guianan den naturalesa òf kompanianan ku ta organisá eskurshon na tera tambe mester paga pa e uso.

Konstrukshon

E laman rondo di Bonaire ta un parke natural. Bonaire National Marine Park. Esaki ta algu úniko pa kua nos mester ta orguyoso, pero ku alabes tin limitashonnan tambe. Pa pone bui, konstruí trapi, waf òf otro konstrukshon den of riba e parke supmarino mester di pèrmit a base di Ordenansa maneho di naturalesa Bonaire. No por konstruí sin mas den un parke nashonal. Aparte di esaki mester di un pèrmit pa konstruí.

Den e tabèl ku ta sigui tin e preisnan pa aña indiká pa uso di konstrukshonnan den e parke supmarino

Tarifanan di pago pa uso di parke supmarino

Entrada pa esnan ku ta bin dibertí	\$ 10,00 pa aña;
Entrada pa sambuyadónan	\$ 25,00 p.p. pa aña;
	\$ 10,00 p.p. pa aña;
Un bui	\$ 280,00 pa aña;
Pa uso un bui na kosta di Kralendijk	\$ 10,00 pa anochi.

NOS NATURALES TA NOS TESORO!

E boletin informativo aki ta kontené un reprodukshon kòrtiku i liber di e disposishonnan legal. Den kaso di un konflikto bo no por basa bo mes riba e publikashon aki. Den un kaso asina konsultá semper e leinan i e areglonan.



Kolofon:

Boletin informativo Medio Ambiente i Naturalesa nr. 1210 04 P
desèmber 2010

Identidat Públiko Bonaire
Dienst Ruimtelijke Ontwikkeling en Beheer
Sekshon Medio Ambiente i Maneho di Naturalesa
Kaya Amsterdam 23
Kralendijk
Tel: 717 - 8130
Faks: 717 - 6980

www.bonairegov.an